



Republika e Kosovës
Republika Kosova
Kosova Cumhuriyeti



Komuna e Prizrenit
Opština Prizren
Prizren Belediyesi

**Procesverbali nga mbajtja e takimit publik me qytetarë për
Rregullimin e fushës Sportive ne fshatin Struzhë**

Procesverbali është hartuar pas mbajtjes së takimit publik me qytetarët e fshatit Struzhë të Komunës së Prizrenit, lidhur me projektin për rregullimin e fushës sportive në këtë lokalitet. Takimi është organizuar me qëllim të informimit të banorëve për planifikimin dhe realizimin e projektit, si dhe për të siguruar përfshirjen e qytetarëve në procesin e konsultimit publik. Gjatë takimit, përfaqësuesit komunalë prezantuan detajet kryesore të projektit, përfitimet për komunitetin dhe rëndësinë e krijimit të hapësirave sportive për të rinjtë dhe qytetarët e fshatit.

Në kuadër të diskutimeve, qytetarët paraqitën mendimet, sugjerimet dhe kërkesat e tyre lidhur me rregullimin e fushës sportive, duke theksuar nevojën për krijimin e kushteve më të mira për zhvillimin e aktiviteteve sportive dhe rekreative. Po ashtu, u diskutua për infrastrukturën përcjellëse, mirëmbajtjen e hapësirës dhe ndikimin pozitiv që ky investim do të ketë në jetën sociale dhe sportive të banorëve të Struzhës.

Hartimi i këtij procesverbali ka për qëllim dokumentimin zyrtar të rrjedhës së takimit, evidentimin e diskutimeve dhe rekomandimeve të dhëna nga pjesëmarrësit, si dhe shërben si bazë për vazhdimin e procedurave administrative dhe realizimin e projektit në përputhje me interesin e komunitetit lokal.

Publikimet:

Publikimet janë bërë me **12:05.2026** në webfaqe zyrtare të komunës, në facebook-un e komunës, si dhe në platformën e konsultimeve publike:

Në webfaqe:

<https://prizren.rks-gov.net/wp-content/uploads/2026/05/Njoftim-per-organizimin-e-takimit-publik-per-Rregullimin-e-fushes-Sportive-ne-fshatin-Struzhe-Shq-Bosh-Tur.pdf>

Njoftimi si lajm në webfaqe:

<https://prizren.rks-gov.net/news/njoftim-per-organizimin-e-takimit-publik-per-rregullimin-e-fushes-sportive-ne-fshatin-struzhe/>

Takimi është mbajtur në sallën e Administratës Komunale dhe ka filluar në orën 10:05.

Samil Pireci zyrtar komunal: Ky është një projekt i prezantuar përmes të cilit do të aplikojmë në MZHR. Këtu prezantohet fusha sportive dhe ndërtimi i mureve mbrojtëse. Projekti është i kompletuar sipas qëllimit për të cilin është hartuar dhe përmban të gjitha elementet e nevojshme për aplikim.

Fejsal Hoti zyrtar komunal: Kërkoj një sqarim shtesë. Me këtë projekt do të konkurrohet nga Komuna e Prizrenit në MZHR, mirëpo si udhëheqës i DSHP-së do ta mbështes këtë projekt edhe nëse nuk aprovohet në ministri. Ju informoj se jemi duke aplikuar me shumë projekte dhe nuk dihet ende nëse ky projekt do të aprovohet. Megjithatë, në rast se nuk aprovohet, ne do ta mbështesim projektin në kuadër të projekteve tona dhe do ta përfshijmë në fazën e projektpropozimeve si projekt prioritar.

Samil Pireci zyrtar komunal: Duke u bazuar në procedurat që zhvillohen në ministri, nëse projekti aprovohet, implementimi i tij pritet të fillojë këtë vit.

Fejsal Hoti zyrtar komunal: Duke u bazuar në fushat e projekteve që mbulohen nga DSHP, propozoj që të bëhet ndryshimi i emërimit të projektit, pasi emërtimi aktual nuk është plotësisht në përputhje me politikat dhe fushëveprimin e DSHP-së.

Samil Pireci zyrtar komunal: Qëllimi i këtij projekti lidhet edhe me përfshirjen e mureve mbrojtëse. Të gjitha propozimet dhe kërkesat e banorëve janë të përfshira në këtë projekt. Gjithashtu, do të bëhet edhe ndryshimi i emërimit të projektit sipas rekomandimeve të dhëna.

Ilhami Haxhillari qytetarë: A do të realizohet ndryshimi i emërimit të projektit?

Fejsal Hoti zyrtar komunal: Në ministri po aplikojmë me këtë projekt në kategorinë e sportit, dhe për këtë arsye është përdorur ky emërtim.

Samil Pireci: Dihet se në gjendjen aktuale ky terren përmban shumë material demoluese të konstruksioneve ndërtimore - betone të rrënuara dhe mbetje të ndryshme inerte. Pastrimi dhe rregullimi i terrenit do të rezultojë me krijimin e mundësisë për ndërtimin e mureve dhe krijimit te

terrenit të rrafshët, ku më pas do të ndërtohet fusha sportive. Prioritet është pastrimi i inerteve nga pronat private dhe lirimi i rrugës publike nga këto inerte.

Daut Pireci: Si komunitet, cili do të jetë kontributi ynë dhe çfarë mund të bëjmë që ky projekt të realizohet? Qëllimi i projektit është edhe ruajtja dhe promovimi i turizmit lokal, duke marrë parasysh se në këtë hapësirë organizohen aktivitete të shumta kulturore dhe sportive, si: turnirë futbollit dhe gara të ndryshme sportive gjate “Ditëve të Struzhës” që organizohet tashë e 10vjete, për nderë të diasporës dhe takimeve Struzhjane.

Bashkim Zylfallari: Gjithashtu, lokacioni ku propozohet ky projekt është një zonë shumë e frekuentuar nga turistët ditorë.

Haziz Krasniqi zyrtar komunal: Pasi të kemi një informacion përfundimtar nëse projekti aprovohet apo jo, atëherë, ashtu siç e përmendi edhe Fejsali, projekti do të planifikohet në listën e projektpropozimeve për planifikim buxhetor.

Fejsal Hoti zyrtar komunal: Samil, a e dimë sa është vlera e këtij projekti?

Samil Pireci: Ende nuk kemi një vlerësim të detajuar financiar, mirëpo pas hartimit të projektit të detajuar do të kemi edhe një vlerësim më të saktë të kostos së përgjithshme të projektit, që duhet të finalizohet këto ditë.

Takimi ka përfunduar në orën 10:25.

Me 21.05.2026, është mbajtur takimi publik, vegëza e publikimit të lajmit për mbajtjen e takimit:

Në webfaqe:

<https://prizren.rks-gov.net/news/u-mbajt-takim-publik-me-qytetare-per-rregullimin-e-fushes-sportive-ne-fshatin-struzhe/>

Procesmbajtës:

Samil Pireci

Haziz Krasniqi